



Att.: Sofie A. Erbs-Maibing
Departementet for Fiskeri, Fangst og Landbrug

J.nr. 40.00.02.45/14

D. 17. september 2014

Pillugu: Tunumi nannut pillugit akissummut § 37-imut ilassut.

§ 37-tut apeqqutip 15. september 2014-imeersup, Tunumi nannunik kisitsisoqarsimanginnera pillugu tunngavilersuutaasup ilassuserneqarnissaanik Pisortaqarfik piunasaqarsimavoq. Pinngortitaleriffik 2014-imi nannunik nalilersuinerup aallartinnaasanut aningaasaliiffigineqarsimavoq. Pinngortitaleriffiup Kitaa pingaartinneqarsimammagu Tunumi kisitsineq siusinnerukkut aallartinneqarsinnaasimangilaq, Kitaanimi Canadamit Kalaallit Nunaanniluu pisarineqartartut ataatsimut katillugit amerlasoorujussuummata.

Tunumi nannut pillugit siunnersuinissamik pisariaqartitsineq annertoorujussuummat misissuinerit ukiunut arlalinnut agguataartariaqarsimapput aningaasaliissutissat pisariaqartut tunulequttatullu ilisimasassat pisariaqartut pissarsiarisinnaajumallugit. Tunumi nannunik siusinnerusukkut kisitsisoqarnikuunngilaq.

Naliliineq imimmikkoortunut imaluunniit misissuinerit arfinilinnut immikkoortinneqarsinnaavoq:

1. Pisarineqartartuniit misissugassanik katersuisarneq (ataavartumik):

Timaanit kigummillu mikisumik misissugassanik tiguserit, piniartut nassiuttagaat, utoqqaassusiinik kingornuttagaannullu tunngassuteqartunik misissuinerit atorneqartartut.

2. Apersuilluni misissuinerit (2014-15):

Nannut amerlassusaaasa, siammarsimanerisa, peqqissusaasa, sunik nerisaqarnerisa, piniarneqartarnerisa silallu pissusiata allangorneranit sunnigaanerisa allangoriartorneri pillugit piniartut ilisimasaannik apersuinnikkut katersuineq. Piniartullu aamma asimi misissuisarnerit pilersaarusiorneqartarnerinut ilusilersorneqartarnerinillu ilisimasatik aqutugalugit peqataasassapput (imaappoq misissuinerit 4 aamma 5).

3. Qarasaasiami naatsorsuusiaatsip ilisserusiornissaa atuagarsornikkullu misissuineq 2014-15:

Skemat piniartut immikkut ittumik immersortagaasa imarisarpaat suaassutsit, angissusaat, pizarreqarfii paasissutissallu pingaarutillit allat. Paasissutissat tamakku misissuinnermi paasisaareersimasunut allanut sanilliullugit nalilersoqqissarneqartarput. Kisitsisoqalerpat paasissutissat pigineqartut tamarmik nalilersueqqissaarnermi ilaatinneqarnissaat qularnaarniarlugu.

4. Kitaata kujataani qaammataasanut nassitsissutitalinnik nalunaaqutsersuinerit (2014-16):

Tunumi nannut nanoqatigiittut ataatsitut arlalittulluunniit isigineqarnissaat paasiumallugu aammalu kisitsinissaq pilersaaruserlugulu immap sikuata allanngoriarteronera nannunut sunniutai misissorsinnaajumallugit nannut ingerlaariaasaat ilisimasaqarfigineqarnerusariaqarpoq. 2014-imi orsussanik peqqumaasersortoqarpoq, naalunaaqutsersuinissarlu 2015-imi aallartinneqassaaq.

5. Nunap eqqissisimatitaasup kujataani pisanik/pisareqqitanik kisitsineq (2016-18):

Pisaqartarnermi/pisareqqisarnermi tekniki, Kalaallit Nunaata kitaata avannaani nannunik kisitsinermi ineriartortinneqarsimasoq, Tunumi aamma atorineqassaaq. Tassani nannunit uumasunit ukiut pingasut ingerlanerini misissugassanik katersisoqaassaaq pizarreqarsimasullu aamma misissugassanik tigusiiffineqartarlutik. Taamaaliornikkut sumiiffinni pisaqarfigineqartuni nannut qanoq amerlatiginerisa paasinissaat ilimagineqartarpoq, aammalu Itoqqortoormiit Ammassallillu akornanni, amerliartorfiginerpaasagaanni, qanoq ataqatigiitsiginerat paasineqarsinaassalluni.

6. Uuliamik ujaasiffiusumi kisitsineq, Nunap Eqqissisimatiap kangiani (2015-18):

Pinngortitalerriffik uuliamik ujaasisoqarneranut atatillugu Nunami Eqqissisimatitami nannunik kitsitsisinnaajumalluni aningaasaliissutissanik pissarsiortarsimavoq.

Misissuinerit tamarmik nammaassineqariarpata Tunumi nannut qanoq inissisimanerat naliliiffineqarsinnaalerlunilu, ilisimatuussutsikkullu siunnersuinerimik isumannaatsumik pissarsisoqarsinnaalissaaq.

Pinngortitalerriffiup Den Danske Miljøstyrelse (DANCEA)-mut, 2014-15-imi Tunumi nannunik misissuinnisanut aningaasaliissutissanik akuersissuteqarsimasumut qinuteqaataata ilaa paasissutissat ilaattut ilangunneqarpoq

Inuss. inuull.

Fernando Ugarte
Pinngortitalerriffik

Ilanngussaq 1, DANCEA-mut qinnuteqaatip ilamernganit ilanngussaq

Tunulequtaq: Tunumi nanoqatigiit assigiinngitsut pillugit siunissaq ungasissoq eqqarsaatigalugu ilisimatuussutsikkut siunnersuisinnaanissaq eqqarsaatigalugu (EG), pilersaarummi uani aamma Tunumi nanoqatigiinnik naliliisinnaanngornissaq siunnerfigineqarpoq, sumiiffimmi siornatigut nannut qanoq amerlatiginerannik ilisimatuussutsikkut misissuffigineqarsimannigsumi. EG-mik naliliisinnaanngornissaq siunertaralugu paasissutissanik pisariaqartunik katersuiniarpugut pisatigut paasisanik katersuisarluta nanoqatigiillu qanoq amerlatiginerat paasiumallugu misissugassatut katersukkanik misissueqqissaartarnarluta, Ittoqqortoormiini Tasiilamilu piniartunik oqoqateqartarnertigut innuttaasut qangarsuaaniilli ilisimasaannik katersuisarluta aammalu Tunup kujataaniit avannaanut angalasinnaanissaq eqqarsaatigalugu 2015-imi orsussanik peqqumaasersorluta. 2016-2017-imi pilersaarutit, qinnuteqaammi uani ilaanngitsut ilagaat, Bloseville Kyst-imi (Ittoqqortoormiit kujataanni) nannunik misissuinissat najugaqaqarfinnullu taakkununga qanittuni pisanik kisitsinissaq. Pinngortitalerriffik DCE-lu aamma Tunup avannaata ilaani, kulbrinteqarfittut misissuffigineqartussani nanoqassutsimik misissuimalluni Aatsitassanut Aqutsisoqarfimmut aningaasalissutissanik qinnuteqarnikuupput. Sumiiffiup taama angitigisup Tunup avannaatut ittup nanoqassusiata naliliiffiginissaanut atatillugu ukiorpassuarni assigiinngitsutigut paasissutissanillu ukiut tallimat sinnerlugit katersuisoqartariaqarpoq. Matumuuna ukiunut siullernut marlunnut qinnuteqaateqarpugut.

Suliniutikkut anguniakkat: Qaammataasakkoortumik maliffigininniarnep siunertaraa nannut immap sikuani allanngoriartortumi angalasarnerisa maliffiigalugit paasissutissanik katersuiffiginissaat (paasissutissanut 1990-ikkunni katersorneqarsimasunut sanilliullugit) timiisigullu qanoq issusaasa paasisaqarfiginissaat. Misissuinerit aamma nannut atugaasa allanngoriartorneri pillugit paasisanik paarlaasseqatigiittarnermi atorineqarsinnaapput taamalu paasissutissanut tamarmiusunut iluaqutaassallutik

Suliniuummi immikkuualuttut immikkoortukkuutaarlugit aningaasalersuiffigineqassapput ”Kongeriget Danmarks Strategi for Arktis 2011–2020”-mut naapertuuttumik, naalagaaffik pisinnaasamigut aningaasaleeqataasassamat: 1) isumalluutit uumassusillit ilisimatuussutsikkut tunngavilimmik iluaqutigineqarnissaannut, 2) Issittuni ilisimatuussutsikkut misissuinermit siuttoorusummat, 3) silap pissusiata allanngortornerata issittumut sunniutaanik katersuinermit sunniutinullu silarsuarmi naleqqussarnerut peqataarusummat, 4) Issittuni avatangiisit ilisimatuussutsikkut misissuinermit pitsaaanerpaaanik tunngavilimmik isumagineqarnissaannut tamakkulu pillugit nunarsuarmi suleqatigiinnermut peqataarusummat, 5) Issittunut attuumassutilitsigut nunarsuarmi suleqatigiinnermut peqataarusummat ilaaatigut pinngortitamik avatangiisinillu illersuineq eqqarsaatigalugit, 6) Issittumi siunnersuisooqatigiinni suleqatigiinneq nukittorsarusummagu aamma 7) Issittut pillugit suleqatigiinnermut oqaloqatigiinnernullu peqataajuarusummat.